

緯
攬

閻

錫

山

書

端



四

緯攬卷十一

塗水喬松年鶴儕氏輯

弟廷樾瀛槎氏彙訂

河圖緯

河圖括地象

元氣闔陽爲天御覽一 唐類函引作河圖叶光篇闔陽作闔陽

元氣無形匈匈隆隆偃者爲地伏者爲天同上

易有太極是生兩儀兩儀未分其氣混沌清濁既分伏者爲天偃者爲地爾雅疏 初學記

天不足西北地不足東南西北爲天門東南爲地戶天門無上地戶無下周禮大司徒疏 困學紀聞

愚按丹鉛錄二十七引天門無上兩句而以天不足西北兩句爲注

天左動起於牽牛地右動起於畢周禮大司徒疏 困學紀聞

天有四維地有四瀆廣博物志

天有五行地有五岳天有七星地有七表天有八氣地有八風說郛 廣博物志引大有七星二句

天有九道地有九州御覽三十六天有九部八紀地有九州八柱藝文類聚御覽一百五十七

天地精通神明列序也初學記四唐類函引連上文

天有九部八紀地有九軸八柱東南神州曰晨土正南卬州曰深土西南戎州曰滔土正

西弇州曰开土正中冀州曰白土西北柱州曰肥土北方玄州曰成土東北咸州曰隱土

正東陽州曰信土後漢書張衡傳

地中央曰崑崙崑崙崑崙東南五千里名曰神州中有五山帝王居之

周禮職方疏 劉孝標辨命論 注 劉琨詩注 魏都賦注 御

覽一百五十七 曲禮天子祭天地疏引上三句 通考七十六引作萬五千里

崑崙山爲天柱氣上通天說郛唐類函

崑崙者地之中也地下有八柱柱廣十萬里有三千六百軸互相牽制名山大川孔穴相

通初學記五御覽二十六節引 海賦注引作地下有四柱 唐類函引地有四軸有三百六十軸二句

崑崙山出鐵卷唐類函卷契類

崑崙之山爲地首上爲握契滿爲四瀆橫爲地軸上爲天鎮立爲八柱御覽三十八

崑崙山橫爲地軸此陵交帶崑崙故曰廣陵也

御覽一百六十九揚州 蕪城賦注引作崑崙之上橫 爲地軸

崑崙山有五色水赤水之氣上蒸爲霞而赫然

張景陽雜詩注 御覽十五引無末句 潛確類書引作陰而赫然

崑崙山在西北其高萬一千里

西都賦注

崑崙之墟下洞含右赤縣之州是爲中則東南神州正南邛州西南戎州正西兪州正中

冀州西北括州正北濟州東北薄州正東陽州

初學記

括或作桂

濟或作營

薄或作咸

長城者爲州御覽一百五十七

地南北三億三萬五千五百里地部之位起形高大者有崑崙山從廣萬里高萬一千里神物之所生聖人仙人之所集也出五色雲氣五色流水其白水東南流入中國名曰河也其山中應于天最居中八十城布繞之中國東南隅居其一分是好城也

張華博物志

御覽八引出五色雲氣一句

極廣長南北二億三萬三千五百里東西二億三萬三千里

周禮大司徒疏 御覽三十六 天中記

夏禹所治四海內地東西二萬八千里南北二萬六千里有君長之州有九阻中土之文

德及而不治藝文類聚四 御覽三十六 唐類函 南北二萬六千里或作三萬六千里

三危山在鳥鼠之西南與汝山相接上爲天苑星黑水出其南

御覽五十

蟠冢山上爲狼星上有異草花名骨容食之無子御覽四十

鳥鼠同穴山地之幹也上爲掩畢星渭水出其中御覽四十

岐山在崑崙山東南爲地乳上多白金周之興也鸞鷟鳴於岐山時人亦謂岐山爲鳳皇

堆御覽四十

岷山之精上爲井絡江賦

汶阜之山江出其腹帝以會昌神以建福古詩紀

河精上爲天漢詩大東疏 史記天官書 御覽八

井絡躔曜江漢炳靈泉流深遠盛爲四瀆之首說郛 天中記

泗州城徐城縣北路史國名紀

曹州武城南重邱城同上

過荷姓國同上 謂寒捉

天皇九翼題名旋復初學記九 御覽七十八

鳳皇食竹實劉琨贈盧諶詩注

令嘗野中有玉虎晨鳴聖人感期而興藝文類聚 說郭 唐類函

奇肱氏能爲飛車從風而行 說郭

十代禮樂文雅並出 後漢書章帝紀 曹褒傳作有漢

有民食桑二十七年而化九年生翼 說郭 格致鏡原

帝軒轅授命公孫氏握 後漢書公孫述傳

羿五歲父母與之入山處之木下以待蟬鳴還欲取之而羣蟬俱鳴遂捐而去羿爲山

間所養年二十習於弓矢仰天歎曰我將射四方 路史

愚按此是括地圖語路史誤以爲括地象而誤采故低一格姑存之

河圖始開圖

黃帝問風后曰余欲知河之始開風后曰河凡有五皆始開乎崑崙之墟 御覽六十一

崑崙之墟有五城十二樓河水出焉四維多玉 御覽三十八

黃河出崑崙東北角剛山東自北行千里折西行於蒲山南流千里至文山東流千里至

秦澤西流千里至潘澤陵門東北流千里至華山之陰東南流千里至下津然河水九曲

其長九千里入渤海天中記 唐類函引華山之陰下多東流千里至於植雍二句但作河圖

黃泉之埃上爲黃雲青泉之埃上爲青雲赤泉之埃上爲赤雲白泉之埃上爲白雲玄泉之埃上爲玄雲御覽八

激陽爲電唐類函 說郭

黃帝名軒北斗黃帝之精母地祇之女附寶之郊野大電繞斗垣星耀感附寶生軒胸文曰黃帝子說郭 御覽引作握矩起

愚按說郭尙有伏羲氏以木德王已見春秋內事伏羲禪于伯牛一條黃帝修德一條已見挺佐輔此不再收

河圖挺佐輔

伏羲禪于伯牛鑽木作火廣韻 御覽八百八十九 天中記

黃帝修德立義天下大治乃召天老而問焉余夢見兩龍挺白圖卽帝以授茶于河之郊覺味素喜不知其理敢問于子天老曰河出龍圖雒出龜書紀帝錄列聖人所紀姓號與謀治平然後鳳皇處之今鳳皇以下三百六十日矣古之圖紀天其受帝圖乎試齋以往

視之黃帝乃被齋七日衣黃衣冠黃冕駕黃龍之乘戴交龍之旗天老五聖皆從以游河洛之間求所夢見之者弗得至於翠嬀之淵有大鱸魚折溜而至乃問天老曰子見夫中河折溜者乎曰見之顧謂五聖皆言莫見乃辟左右獨與天老跪而迎之魚汎白圖蘭葉朱文五色備具天老以授黃帝舒視之名曰錄圖

路史 御覽七十九 路史以茶爲黃帝名 御覽茶作余 藝文類聚 唐類函 初學記 御覽八

十一皆節引皆作河圖 說郭 天中記皆節引皆作始開圖

禹治水功大天帝以寶文大字賜禹佩渡北海免弱水之難

初學記九 路史

百世之後地高天下不風不雨不寒不暑民復食土皆知其母不知其父如此千歲之後而天可倚杵匈奴隆曾莫知其始終

御覽一 三十六 說郭引作稽耀鉤

河圖稽耀鉤

鎮星散爲虹蜺 藝文類聚二 初學記 虹蜺主內淫虹霓者氣也起在日側其色青赤白黃 御

覽十四 唐類函引連上文

五星散爲五色之彗 御覽八百七十五

歲星之精流爲國皇主內難 同上

太白散爲天狗主候兵同上

辰星散爲枉矢流所射可誅同上

熒惑散爲蚩尤旗主惑亂同上

填星散爲獄漢散爲五殘主奔亡散爲旬始主招橫

同上 說郭引此文五殘下無主奔亡三字而招橫作奔亡

十月立冬爲節者冬終也立冬之時萬物成終爲節名小雪爲中者氣候轉寒雨變成雪故以爲中也說郭

愚按說郭尙引百世之後地高天下一條已入挺佐輔王者封太山禪梁父一條已入真紀鈎又狗三月而生一條乃春秋文耀鈎之文說郭誤采

河圖帝覽禮

黃道一青道二出黃道東赤道二出黃道南白道二出黃道西黑道二出黃道北日春東從青道夏南從赤道秋西從北道冬北從黑道立春星辰西游日則東游立夏星辰北游日則南游春分星辰西游之極日東游之極日與星辰相去三萬里夏至則星辰北游之極日南游之極日與星辰相去三萬里禮月令疏

立春春分月從東青道國延年曲水詩序注

推廣九道百七十一歲進退六十三分百四十四歲一超次後漢書律歷志 謂與洛書甄曜度同文

日月者金之精也木華海賦注 初學記引無日字

月者金之精也月有窟故言穴天中記

彗星出貫奎庫兵悉出禍在強侯外夷後漢書天文志

河圖握矩起

黃帝名軒北斗黃神之精母地祇之女附寶之郊野大電繞樞斗星耀感附寶生軒轅胸

文曰黃帝子御覽七十九 一百三十五引大電作大覽 唐類函 說郭引作始開圖

附寶之郊見電繞斗軒星照郊野感而生軒路史

帝嚳駢齒上法日參秉度成紀以理陰陽路史 御覽三百六十八引帝嚳駢齒一句

宋均注曰所以駢齒齒星位御覽

帝命伯禹曰告汝九術五勝之常可以克之汝能從之汝師徒將興御覽八十二 路史

河圖玉版

倉頡爲帝南巡狩登陽墟之山臨于玄扈洛汭之水靈龜負書丹曰青文以授之帝

路史

周禮龜人疏引靈龜負書二句但作河圖

從崑崙以北九萬里得龍伯國人長三十丈生萬八千歲而死從崑崙以東得大秦國人

長十丈從此以東十萬里得佻國人長三丈五尺從此以東千里得大秦國人長一丈

御

覽三百七十七 八百十八引人長十丈下有皆衣帛三字 天中記引以有此三字三丈五尺作三十丈五尺千里作十萬里 唐類函引作河圖龍文

隴西神馬山有淵池龍馬所生張景陽七命注引

天立四極有金剛力士長三十丈

五禮通考五十七

湘夫人者帝堯女也秦始皇浮江至湘山逢大雨而問博士湘君何神博士曰聞之堯

二女舜妃也死而葬此

天中記

愚按此語不類緯文故低一格列之

龍魚河圖

天授元始建帝號

藝文類聚九十八

唐類函

黃龍負圖鱗甲成字從河中出付黃帝令侍臣

寫以示天下

御覽七十九

路史成字二字作光耀

河龍圖發洛龜書感路史 此語已見尚書中候

堯時與羣臣賢者到翠嬀之川大龜負圖來投堯堯勅臣下寫取告瑞應寫畢龜還水中

帝範注 藝文類聚九十九 御覽八十 天中記 唐類函引賢者作賢智

黃龍從洛水出詣虞舜鱗甲成字令左右寫文竟龍去 藝文類聚九十八 御覽

黃帝攝政時有蚩尤兄弟八十一人並獸身人語銅頭鐵額食沙石子造立五兵仗刀矛戟大弩威振天下誅殺無道不仁不慈萬民欲令黃帝行天子事黃帝仁義不能禁蚩尤遂不敵黃帝仰天而歎天遣玄女下授黃帝兵信神符制伏蚩尤帝因使之主兵以制八方蚩尤沒後天下復擾亂不寧黃帝遂畫蚩尤形象以威天下天下咸謂蚩尤不死八方萬邦皆爲弭伏 藝文類聚 御覽七十九 八百七十二 史記正義 路史引食沙石下尚有變化雲霧四字

玄女出兵符與黃帝戰蚩尤 廣韻 玄女出信兵符付黃帝制蚩尤 御覽七百三十六

陽積精爲日 御覽卷四

月有九行赤道二出黃道南黑道二出黃道北白道二出黃道西青道二出黃道東併黃道爲九行立春春分月從東青道立秋秋分從西白道立夏夏至從南赤道立冬冬至從

北黑道天有四表月有三道聖人知之可以延年益壽

御覽四

天歲星主德慶其精下爲大社之神天太白星主兵凶其精下爲雨師之神天熒惑星主司非其精下爲風伯之神天辰星主氣司災其精下爲先農之神天鎮星主得土之慶其精下爲靈星之神

御覽八百八十一

太白之精下爲風伯之神主司刑辰星之氣下爲靈星之神主得土

御覽七

風者天之使也

御覽八 說郭

山冬天霧十日以上不除者山崩之候

藝文類聚

御覽十五引此文作山崩之後山水脈也

愚按當以候字爲是山水脈也當是注

帝淫佚則奎有角月有足

御覽四

七 廣博物志

崑崙山天中柱也

藝文類聚

御覽三十八

天之東西南北極各有銅頭鐵額兵兵三千萬丈三千億萬人各有金剛敢死立士長三千萬丈三千億萬人天中太平之都有都甲食鬼鐵面兵長三千萬丈三千億萬人

御覽

三百七十七 三百七十四引前三句作河圖 說郭引作洛書甄曜度 唐類函引作河圖龍文

東方泰山君神姓圓名常龍南方衡山君神姓丹名靈峙西方華山君神姓浩名鬱守北方恒山君神姓登名僧中央嵩山君神姓軍壽名逸羣呼之令人不病 御覽八百八十一 潛

確類書引此文姓登名僧作姓澄名渭亭 天中記引無軍字

一云嵩山君角普生泰山君玄邱目睦華山君浩元倉衡山君瀾洋光恒山君伏通萌 潛

確類書

東方泰山將軍姓唐名臣南方衡山將軍姓朱名丹西方華陰將軍姓鄒名尙北方恒山將軍姓莫名惠中央嵩高山將軍姓石名玄恒存之郤百邪 御覽八百八十一

東海君姓馮名修青夫人姓朱名隱娥南海君姓視名赤夫人姓醫名逸寥西海君姓勾大名邱白夫人姓靈名素簡北海君姓禹名帳夫人姓結名連翹河伯姓公名子夫人姓馮名夷 四海河神名並可請之呼之郤鬼氣同上

河伯姓呂名公子夫人姓馮名夷 後漢書張衡傳 天中記引上一句

劍神名飛揚 御覽三百五十四 弓神名曲張 三百四十七 盾神名自障 七百五十六 斧神名狂章 七

百六十二 或作狂草矛神名天矢陰 格致鏡原

髮神名壽長耳神名嬌女目神名珠映鼻神名勇慮齒神名丹朱夜臥呼之有患亦除呼之九過惡鬼自卻御覽八百八十一

玄洲在北海中地方三千里去南岸十萬里上有芝草生玄澗澗水如蜜味服之長生御覽五十九

流洲在西海中地方三千里上多山川積石名爲昆吾冶其石成鐵作劍光明四照洞如水精割玉如泥藝文類聚御覽三百四十四

鄧國有工善鑄劍因名鄧師

有脫光刀唐類函

愚按太公兵法曰刀子之神名曰脫光疑類函誤引

高皇攝政總萬庭四海歸詠治威明文德道治承天精元祚興隆協聖靈御覽八十七說郛

婦人無以夫衣合集浣之使之不利御覽八百二十六

埋蠶沙於宅亥地大富得蠶絲吉利御覽八百二十五

七月七日取赤小豆男吞一七女吞二七令人畢歲無病

七月七日曬暴革裘無蟲 七月七日取烏鷄血和三月三日桃花夫塗面及遍身三二日肌白如玉御覽三十一引韋氏月錄

歲暮夕四更中取二七豆子二七麻子家人頭髮少許合麻豆著井中祝敕井使其家竟年不遭傷寒辟五方疫鬼藝文類聚八十五 御覽八百四十一

無以賣馬錢取婦賣馬錢取婦令多惡病夫妻離別御覽五百四十一

懸文虎鼻門上宜官子孫帶印綬 懸虎鼻門中周一年取燒作屑與婦人飲之二月中便有娠生貴子泄則不驗也亦勿令婦人知之御覽八百九十一

犬狗魚鳥不熟食之成瘕御覽七百四十三 白馬元頭食之殺人下病食馬肉亦殺人八百九十三 羊有一角食之殺人九百二 瓜有兩鼻者殺人九百七十七 初學記 元雞白頭食之病人

雞有四距亦殺人六指亦殺人雞有五色亦殺人初學記三十

河圖雜篇

河圖合古篇

帝劉之秀九名之世帝行德封刻政後漢書祭祀志

河圖令占篇

地淪月散必有立王御覽四

日薄也宋書五行志引河圖占

愚按令占與合古字相似疑卽是合古篇傳寫別誤耳

河圖赤伏符

劉秀發兵捕不道四海雲集龍門野四七之際火爲主後漢書祭祀志

王梁主衛作玄武後漢書王梁傳

河圖闔苞受

弟感苗裔出應期石仲容與孫皓書注

河圖抔光篇

陽精散而分布爲火御覽八百六十九

河圖龍文

鎮星光明八方歸德蜀都賦注 袁淑詩注 石闕銘注